



ЈП ПУТЕВИ БРЧКО
Брчко дистрикт БиХ ▲▲ Брчко дистрикт БиХ
JP PUTEVI BRČKO

Јавно предузеће "ПУТЕВИ БРЧКО" д.о.о.
Брчко дистрикт БиХ
Меће Селимовића 1, 76100 Брчко дистрикт БиХ
тел.: +387 49 490 151, факс: +387 49 490 160

Javno Preduzeće "PUTEVI BRČKO" d.o.o.
Brčko distrikt BiH
Meše Selimovića 1, 76100 Brčko distrikt BiH
tel.: +387 49 490 151, faks: +387 49 490 160

Broj: 01-206/14

Brčko, 11.03.2014. godine

Na osnovu Člana 14. Stav (2) Zakona o Javnim preduzećima Brčko distrikta BiH (Sl. Glasnik Brčko distrikt BiH broj: 15/06, 5/07, 19/07, 01/08 i 24/08), a u vezi sa Članom 69a. Stav (1) Tačka 3. Zakona o putevima Brčko distrikt BiH (Sl. Glasnik Brčko distrikt BiH broj: 43/04, 19/07, 17/09 i 9/13), te Člana 38. Statuta JP „ Putevi Brčko „, d.o.o. Brčko distrikt BiH, Upravni odbor JP „Putevi Brčko“ d.o.o. Brčko distrikt BiH, na 27. redovnoj sjednici održanoj dana 11.03.2014. godine, donosi

O D L U K U

O VISINI NAKNADE ZA POSTAVLJANJE REKLAMA I DRUGIH NATPISA PORED JAVNIH PUTEVA

Član 1.

Ovom Odlukom utvrđuje se visina i način plaćanja naknada za postavljanje reklama i drugih natpisa pored javnih puteva na teritoriji Brčko distrikt Bosne i Hercegovine (u daljem tekstu: Distrikt)

Član 2.

(1) Natpisi pored javnih puteva po svome sadržaju se dijele na funkcionalne natpise i komercijalne reklame.

(2) U funkcionalne natpise spadaju natpisi koji označavaju blizinu objekta od interesa za učesnike u saobraćaju, kao što su: autoservisi, vulkanizeri, automehaničarske radionice, benzinske stanice, moteli, autokampovi, hotelski, turistički i ugostiteljski objekti, sportsko-rekreativna područja, istorijski spomenici i slično.

(3) U komercijalne reklame spadaju oni natpisi koji nisu od neposrednog interesa za učesnike u saobraćaju, a svrha im je promotivnog karaktera, kao što su reklame svih vrsta proizvoda i usluga, trgovačke usluge, usluge osiguravajućih društva i slično.

Član 3.

JP „Putevi Brčko“ d.o.o. Brčko distrikt BiH izdaje saglasnost, obračunava i naplaćuje naknadu za postavljanje natpisa u zaštitnom pojasu javnih puteva van gradske zone. U odobrenju za postavljanje natpisa u zaštitnom pojasu javnih puteva, JP „Putevi Brčko“ d.o.o. Brčko distrikt BiH može odrediti i posebne uslove za postavljanje natpisa, a utvrđuje se i naknada za postavljanje natpisa prema njihovom sadržaju iz predhodnog člana.

ЈИБ: 4600325130000, ПДВ: 600325130000 | ЈИБ: 4600325130000, ПДВ: 600325130000
Жиро рачун: 5620048113246169 | Жиро рачун: 5620048113246169
код НЛБ Развојна Банка | код НЛБ Развојна Банка
e-mail: info@putevibrcko.ba | www.PuteviBrcko.ba

Član 4.

U užoj gradskoj zoni JP „Putevi Brčko“ d.o.o. Brčko distrikt BiH izdaje saglasnost i obračunava naknadu za postavljanje natpisa uz predhodno izdatu saglasnost Odjeljenja za urbanizam.

Član 5.

Visina naknada iz predhodnog stava zavisi od lokacije, površine i vrste natpisa prema navedenom Članu 2. ove Odluke i važi kako za jednostrani tako i za dvostrani pano.

Član 6.

Vlasnik natpisa snosi posebnu naknadu za korištenje javne površine unutar gradske zone, koja se reguliše posebnim ugovorom sa nadležnim odjeljenjem Vlade Brčko distrikta BiH.

Član 7.

Posebnu naknadu za korištenje putnog zemljišta van gradske zone za postavljanje natpisa određuje JP „Putevi Brčko“ d.o.o. Brčko distrikta BiH na osnovu ranga puta i veličine natpisa, odnosno površine zemljišta koje natpis temeljnim stopama zahvata.

- a) Minimalna površina zemljišta (mali pano) – $4,00 \text{ m}^2 = 100,00$ za magistralne puteve.
Minimalna površina zemljišta (srednji pano) – $6,00 \text{ m}^2 = 120,00$ za magistralne puteve.
Minimalna površina zemljišta (veliki pano) – $8,00 \text{ m}^2 = 150,00$ za magistralne puteve.
- b) Visina posebnih naknada za regionalne puteve iznose 70% od ove naknade za magistralne i 40% za lokalne puteve.

Član 8.

(1) Naknada za postavljanje natpisa u zaštitnom pojasu javnog puta godišnje iznosi:

| OPIS | Funkcionalni natpis (KM/m ²) | Komercijalna reklama (KM/m ²) |
|---|--|---|
| Tabela natpisa (ukupna površina po m ²) | 56,00 | 90,00 |
| Svjetleći natpis (ukupna površina po m ²) | 78,00 | 110,00 |

(2) Troškovi postupka oko izdavanja saglasnosti za postavljanje natpisa na jednom javnom putnom pravcu iznose 53,00 KM.

(3) Posebno se naplaćuju troškovi vlasniku određenog natpisa, a koji je bespravno postavljen u zaštitnom pojasu javnog puta i koji se mora ukloniti o trošku vlasnika tog natpisa, određenog prevoza i uopšte cijeli rad u vezi s tim u iznosu od 150,00 KM po jednom komadu tog natpisa površine do 2,00 m², a za veće površine natpisa po svakom m² površine većem od 2,00 m² po 100,00 KM.

Član 9.

Danom stupanja na snagu ove Odluke prestaje da važi Odluka o regulisanju visine naknade za postavljanje natpisa (reklamnih panoa) u putnom i zaštitnom pojasu puta, gradonačelnika Brčko distrikta BiH broj:01-014-004122/06 od 28.03.2006. godine.

Član 10.

Ova Odluka stupa na snagu danom donošenja i objavit će se u « Službenom glasniku Brčko distrikt BiH ».

DOSTAVLJENO:

1. Službeni glasnik Brčko distrikt BiH
2. Upravni odbor
3. Oglasna tabla
4. Evidencija
5. Arhiva



**PREDSJEDNIK
UPRAVNOG ODBORA**

A handwritten signature in blue ink, appearing to read "Almir Kukuljević".

Almir Kukuljević, dipl.pravnik